

آبونه شرايطى : هرير ايجون
سنه لکى (۴۰۰) آلتى ايلنى
(۲۲۵) ممالك اجنيه ايجون
سنه لکى (۴۰۰) ، آلتى آيلنى
(۲۵۰) غروشدر .

نسخه سى ۷,۵ غروشدر .
سنه لکى ۵۲ عدددر .

اداره خانه : باب عالی چاده سنده
رشيد افندى خاتنده

اخطارات
آبونه بدلى پشيندر .

مسلكه موافق آثار مع المنونيه
قبول اولتور . درج ايدله بن
يازيل احاده اولتماز .

والله يهدى من يشاء الى صراط مستقيم

کتابخانه

۱۳۳۰

صاحب و مدير
اشرف اديب

باش محرر
محمد ماکف

آدره سى تبديلنده ايريجيه
غروش کوندر مليدر .

مکتوبلرک امضارى واضح
واوقوناقلى اولسى و آبونه
صره نومروسنى محتوى
بولونمى لازمدر

ممالك اجنيه ايجون آبونه
اولانلرک آدرسلرينک
فرانسزجه يازلسى رجا اولتور .

ياره کوندر ليدىکى زمان نهيه
داثر اولدينى بيلديرلى
رجا اولتور

اتبعون اهدکم سبيل الرشاد

حرکت وقوع بولدی . (حسین) که دناقی ، خیاتی هر کسی کندیسندن تنفیر ایتدی . (حسین) بوتون مسلمانلرک کندیسنه لغت او قودیفنی کورونجه بو معاهده پروژده سنی امضادن استتکاف ایتدی . تکرار لوندربه آدملر کوندردی . پروژده برطاقم تعدیلات یابدیرمق ایسته دی . فقط بردلو موفق اولمادی . نهایت هر بلر ، (حسین) که ماهیتی آ کلابه رق کندیسندن یوز چویرمکه باشلادیلر . (حسین) بو کافارشی سوک چاره یه باش ووردی . قالدی ، ماورای شریعه یه کتدی واوراده انکلیرلرک فلسطین فوق العاده قومیسری (هر برت صامویل) ایله بالذات مذا کرانه کیریشدی . اوزون برمدت دوام ایدن بومذا کرات ده بر نتیجه ویرمه دی . (حسین) بوسفر هر بلری اغنال ایچون یکی بر چاره بولدی . انکلیرلر طرفدن ماورای شریعه امارتنه نصب اولونان اوغلیله عراق قرالینه انکلیرلر طرفدن نصب اولونان یکی اوغلیک یاردمیله اسمنه بر لقب داها علاوه ایتدی : (امیر المؤمنین) اولدیفنی اعلان ایتدی و مکجه دوندی . فقط بوحیلده خالق الدائم دیندن او هر کس اوندن نه یابدیفنی ، واصل بر معاهده عقیدت موفق اولدیفنی صور دینندن (حسین) تکرار لوندربه باش ووردی . وانکلیر باش وکیل (ماقدونالد) که هجازه معاهده یی مذا کره ایتمک اوزره بر مرخص کوندرمه سی ، یا خود کندی طرفدن کوندربله جک بر مرخصی لوندربه قبول ایتمه سی تکرار رجا به باشلادی .

وضعیت شیمدی بومر کزده در .
اکلاشیلیور که انکلیرلر بو خان آدمی حرب عمومی انسانده رشوت مقابلنده قوللاندقن سوکره آرتیق اوکا اهمیت ویرمه یورلر . اساساً دینته ، دولته ، ملتته خیانت ایدن آدملرک نهایت بویله خائب و خاسر اولاجق لری محق قدر . باقالم عرب ملق بو آدمی نه یابه جق ؟

عراق انتخاباتی

عراقدن آنان خبرلر انکلیرلرک اوراده انتخابات اجرا ایتدیره رک بر مجلس طویلامق اوزره اولدق لری آ کلاشیلیور . انکلیر بومجلسی طویلامق ایچون سنه لردن بری چالیشیورلر . چونکه مقصد لری عراق تخته اوتورتدق لری (فیصل) ایله عقد ایتدک لری معاهده یی بومجلسه تصدیق ایتدیرمکدر . بومعاهده عراقه انکلیر مانداسنی قبول ایتدیر بیور و عراقیلر بومعاهده یی تصدیق ایتمکله انکلیر مانداسنی کندیلری ایستمش اولویورلر . دنیاده کندی ایله قوللرینه اسارت زنجیرلری طاقنه راضی اولاجق ، کندی رضاسیله باشقه سنک تحکمنه بویون که جک ، شرفی ، حیاتی ، استقلالنی ، حریتی باشقه بر ملتک آق لرینه چینه نه جک بر ملت تصور اولوناماز ، فقط انکلیرلر ، بو غیر قابل تصور شیئی یابدیررلر . بوتون وساطه مراجعت ایدرلر ، قره دن ، دکزدن ، هوادن انسانلرک باشه آتشر یاغدی رهرق انسانلره که عزیز حق لری فدا ایتدیررلر . نهایت بوتون دنیابه ده اعلان ایدرلر که بو حاله کرفار اولان بیچاره ملت کولکک رضاسیله انکلیر وصاتی ، انکلیر اسارتی قبول ایتمشدر .

انکلیرلرک عراقده اوینادق لری هاله بودر . عراق اهالیسی حر و مستقل یاشامق ایسته دک لری اعلان ایتمشدری . حتی قیام ایدره رک

الرنیده قالان سلاجری انکلیر تحکمنک سینه سه چویر مشلر وانکلیرلره چارشمشدری . عراقیلرک محدود وساطنه قارشی انکلیرلرک و انکلیر طیاره لرینک غالب کله جکی شبه سردر . متعدد قیاملردن سوکره بیچاره عراقیلر خاک ایله یکسان ایدلایلر و صوصمه مجبور اولدیلر . فقط عراقیلر بوقیاملره حقیقی ارزولری بوتون دنیابه اعلان ایتمش اولمادیلر می ؟ حریت و استقلال دایر سنده یاشامق ، انکلیر مانداسنی انکلیر اسارتی ایسته دک لری کوسترمش اولمادیلر می ؟ فقط بوحقیقتلر جمعیت اقوام ده نیان مؤسسه نک سمع اطلاعنه واصل اولمادی . بوتون دنیا غزته لری بو حادثاتی قید ایتدی . عراقده جریان ایدن احوالی بیلمه ین قالمادی . فقط جمعیت اقوام ده نیلن وانکلرزه ایله فرانسه یه ماندالر توجیه ایدن مؤسسه هیچ برشیدن خبردار اولمادی . عراقده وقوع بولان قیاملره رغماً عراق مانداسنی انکلرزه توجیه ایتدی . انکلرزه املرینه خدمت ایتمک اوزره انتخاب ایتدیکی فیصلی عراق تخته اوتوردی . ایسته دیکی کبی بر معاهده حاضر لادی و نصب ایتدیکی قراله بومعاهده یی قبول ایتدیردی . فقط بوفجیع مضحکک انعامی ایچون عراق اهالیسنک مثل لری طرفه دن ده بومعاهده نک تصدیق قالیوردی . انکلرزه نه یاپوب یاپوب بومثل لری ده انتخاب ایتدیردی . یالکز بو مثل لرک انتخابی تأمین ایدنجه به قدر نه لر اولدی ؟ نه قدر بومبالر آیتدی ، نه قدر خانمانلر سوندورلدی . مقامات مانده سی بویله شیره هیچ اهمیت ویرمه یور . بوتون عراق بومعاهده یی ، بو هجت اسارتی اضا ایتمک ایچون

الندن کلن هر مقاومتی یابدی . عراقک علماسی بو انتخابانک یاپیلماسی ایچون چالیشدی . عراقده بولونان شیئی مجتهدلر انتخابیه کیمسه نک اشتراک ایتماسی ایچون بک مهم قوالر ویردیلر . خلق ده وضعیت حقیقیه یی تقدیر ایدره ک انتخابانه اشتراک ایتمه دی . انتخابات ایچون وقوع بولان دعوتلره کیمسه اجابت ایلمدی . بالعکس بو انتخابات علمهنده متعدد تظاهرات وقوع بولدی . بو وضعیت قارشیسنده انکلیرلر جبر و شدت استعماله باشلادیلر . هر طرفه حرب طیاره لری کوندردیلر . مجتهدلری عراقدن اخراج ایتدیلر . خلقی الیمدهش تضییقانه دوچار ایدیلر . خلق ینه مقاومت ایتدی . انکلیرلرک ارتکاب ایتدیرمک ایسته دک لری جناحی ارتکاب ایتمک ایسته مدی . هر واسطه مقاومتدن محروم اولان خلق تضییقات واعتسافات قارشیسنده ازبلدجه زیلیدی . نهایت انکلیرلر صورتا موفق اولدیلر . خلق نامنه برسورو آدم لری طویلا دیلر . بونلره عراق اهالیسنک مثل لری نامنی ویردیلر . بونلر یاقینده طویلا نه جق لر (انکلرزه - عراق) معاهده سی تسمیه اولونان هجت اسارتی مذا کره ایده جکلر . بلکه بو آدملر بو هجت اسارتی تصدیق ایدرلر . اوزمان کوره جکزه جمعیت اقوام محافل ، عراقک انکلیرلری ایسته مدیکندن ، قیاملرک ، مجادله لرک ، فریادلرک سنی طویمایان جمعیت اقوام مجلسی بومعاهده نک خبر تصدیقنی در حال طویله جق و عراق اهالیسنک ارزوسیه انکلیر مانداسنک تأسس ایتدیکندن ممنون اوله جقدر .

عراق انتخاباتی بوماهیتده در . بوماهیق تقدیر ایده جک بر کیمسه وارمه اوده بر برینک حالی اکلابان مسلمانلر در . والی الله المشتکی